

宋朝大詔令集

宋朝大詔全集卷第一百五十七

政事

學校

西京建國子監武成王廟詔景德四年二月乙亥

化民成俗素王祖述於六經保大定功尚父章明於七德膠庠是奉
祠宇載嚴四方之人表別斯在兩京之地制度宜均定河南府營建
國子監武成王廟監成日當議置官講說及賜几經書

建學詔慶麻三年

夫儒者通夫天地人之理而兼明古今治亂之源可謂博矣然學者
不得騁其說有司務先聲病章句以拘之則吾黨高奇偉之士何以
預焉士有純明朴茂之美而無穀學養成之法其訪身勵節者使其
不肖之人雜而並進則夫懿德敏行之人何以見焉此助士之甚弊

而學者自以為患議者屢以為言朕慎於改更比令詳酌仍詔宰府
加之叅定以謂本學校以教之然後可求其實先策論則辦理者得
盡其真簡程式則閑博者可見其才至於經術之家稍增新制兼行
舊式以勉中人慎法細文罷去明其賞罰俾各觀焉如此則侍士之
意周取人之道廣夫遇人以薄者不可責其厚今朕建學興善以尊
子大夫之行而更制革弊以盡學者之材其於教育之方勤亦至矣
有司其務嚴訓導精察舉以稱朕意學者其思進德修業而無失其
時凡所科條可為永式

州縣學許本土人聽習外遊學人勒歸本貫詔慶麻五年三

月辛未

乃者嘗詔方夏增建學官興育人材漸登俊造如聞近歲寢廢成規
生徒希就業之風輕去鄉黨守宰挾好名之弊多創堂廬角崇儒之

虛文浮遁時之明効弗加釐整將陷浮華矧取士之方察行為急雖謹師承之習垂先土著之常踐履有嚴淑惠方便宜各還於所貫用祇服於斯文蓋勸進修俾無流蕩其國子監行條約外天下凡有學官州縣宜令諸路轉運司指揮今後並只許本土之人聽習若遊學在外者皆勒歸本貫其所在官吏仍不得以州學公用為名科率錢物委轉運司常行覈察或有自未給係官田土并置到產歲入多後來生徒數少即量留支給外其餘田產並令拘收入官

興學校詔元年八月二十二日甲戌

學校崇則德義著德義著則風俗醇故教養人材為治世之急務除京師置外學待其歲攷升之太學也嘗面諭外餘並依所陳蔡京仍講議司立法頒付禮部施行

大司成薛昂乞置國子正錄以典教御批大觀元年二月二

十五日

先王置學樂育人材而國子爲之先今命之教而詳於諸生略於國子誠未足以稱置師儒教貳遊之意宜依所奏

罷提舉河北東路學士葉常御筆手詔大觀元年五月空月

稽古驗令作人造士比建庠序親製法令有能中選海歲釋褐命官不俟三年之淹可謂不次之舉八行異能之士不試而貢由鄉以升州由州以升朝非次拔用可謂非常之舉常身爲提舉學事官乃不知此方進劄子乞立傑然在人上之法欲加升進法既不能詳考其能舉職以教多士乎可罷提舉學士司別與差遣

鄉村城市教導童稚令誠義御筆大觀二年正月三十日

古者命之教然後學比聞上書及黨人聚徒立衆教以邪說所習非正違理害義其能一道德同風俗乎除士子並合入所在學外目今

應於鄉村城市教導童稚令經州縣自陳赴所在學試義一道文理
不背義理者聽之上書及黨人不在此限違者以違制論

聽諸生兼五經御筆

大觀二年二月一日

古之學者三年通一經計十五年則五經皆通熙寧中進士以經術
期之尚淺故止專一經今已三十餘年士益習矣思得多聞博習二
材而慮專門之流弊可自今學生願兼他經者聽之兼經多者計所
多量立升進之法使天下全才異能得而進焉

黔南興學御筆

大觀二年二月一日

黔南新造之邦人始從化雖未知學然遯其鄙心非學無以善之委
轉運判官李仲將以漸興學舉其孝弟忠和使知勸向

令提舉學事體重師儒官御筆

大觀二年四月一日

學校肇建師儒之官置員甚眾汎選多士不遑致詳深慮其間或容

濫冒不足以表率庠序其有超尚不端學術非正可令提舉學事官體量按察聞奏如或失覺致他人素舉其提舉官當行黜責

常州奉行學校推恩御筆手詔大觀二年七月二十一日

學校興崇人材樂育法備令具勤懲已行深慮有司失賢尚有遺才傳不云乎進賢受上賞散賢蒙顯戮聞前日賓興之數較其試中多寡惟常州為眾苟依常格推恩非古人上賞之意其知州教授特與轉一官

京西南路提舉路瑗奏乞學費所入所用載之圖籍御筆大

觀二年八月二十二日

禮部掌教養之事學校之興內外協力今已就緒而養士之類舍字之數費用之多寡田業之頃畝載之圖籍掌在有司累年于茲廢闕不具失職為甚可依所奏疾速施行

學校御筆政和二年五月十六日

鄉舉里選三代所以賓興賢能以善養人者也今學校之興教養之令修明備具矣比來浸失本旨至參以科舉罷廢縣學給食之法害令惑衆者非一可並依大觀三年四月以前指揮其後降指揮更不施行

臣僚言學士為文輒避特忌御筆手詔政和三年五月二日

所貴乎士者以其能自肯故肆而不拘今群處於庠序日以拘忌為事非獨其文不得驛亦士之自賤也不諱之朝古人稱之朕豈不知此而士以私意度其上何鄙近如此其亦教導者謬歟宜依所奏布告天下革而新之如或不從可置以法

考校程文官降官御筆手詔政和三年閏四月三日

稽若前古聖人法言旨遠言近文直事議故典謨訓詁微顯闡幽宏

深瀕垂莫可尚矣肆及後人文勝於質華綺支離去道滋遠朕甚不
取近覽太學生私試程文詞煩理寡體格卑弱言雖多而意不逮一
幅幾二百言用心字凡二十有六文之陋於此為甚夫精於中既深
則發於言必厚學無根本詞必浮靡可令大學辟師儒校試考選日
後有犯辟而黜之文理縱復合格亦居下流使歸典要以稱茲意朕
有好爵與爾縻之又奉御筆大司成學官各有致校不當將上取肯
國子監供到狀契勘今年三月分太學私試策校考上三名程文官
職位姓名下頃大司成劉嗣明司業林震蘓桓國子正顧文國子博
士謝湜閏四月四日奉聖者劉嗣明林震蘓桓謝湜可特降一官顧
文降一資內顧文謝湜仍放罷邪從嚴放餘依已得指揮

學校增員御筆政和五年八月十一日

學校以善養人設師儒建黌宇備善教天下士十有三年道日益

明士日益衆庶幾於古養士之額尚猶前數有司拘以定額士游學
校外不被教養於學者尚多有之則野有遺材矣諸路學校額及百
人以上者三分增一分百人以下增一分之半即陝西河北河東京
東路學士數少者仰提舉學士司具可與不可增及所增數聞奏

學校士能博通詩書禮樂置之上等御筆手詔政和六年八

月十六日

學校養士以待士之自得於先王之學非專於賓育而已士牽於賓
育敝於流俗故習尚秦漢隋唐而不見堯舜三代比閭時文觀其志
趣率淺陋卑近無足取者先王之道文具在讀其書論其世可考而
知士不務此而趨走逐末則朕稽參成周建立法度何賴焉其令太
學辟廡提舉學士司自今有能博通詩書禮樂稽古明道見天下之
大全者置之上等其人材拔俗者不待考選校定之數具寃狀以聞

朕特不次而用之布告中外咸使聞知

臣僚上言八行預貢人與諸州有士泥試御筆手詔政和六年十二月十五日

頃歲親御翰墨着八行之法以馭天下操履敦篤不求聞達之士比年頗聞賓緣請訖觀望權貴漸以濫育吏不奉法士失所守冒妄僥倖可依所奏如尚敢猶智弊倖以違御筆論不赦

學生懷校代筆監司互察御筆手詔政和六年十一月十五日

學校以善養天下比來法行全具士有所養餘二十萬人絃頌之聲無遠弗届方周千里之畿遠矣朕樂與天下士共之而吏緣為姦士失所守至假名代筆覬免戶役挾書就議僥倖苟得請訖求囑觀望權要比命有司重置以法此豈朕所望於士者夫法久則弊人玩則弛其令諸路監司重置以法知而不舉皆與同罪提舉教授仍加二

等尚書省檢舉學事司官察其失職者罷之

宋朝大詔令集卷第一百五十一

宋朝大詔令集卷第一百五十八

政事十一

徵召

今京兆以禮遣种放赴闕詔 咸平四年三月辛巳

种放隱居邱園耽尚墳素孝悌之行鄉閭洽聞朕統御羣方需寐多士眷懷空谷用降安車今就賜緡錢五萬今京兆府以禮遣赴闕

召种放詔 咸平五年八月丙辰

朕憂勤庶績景仰前修明康濟於兆民用洽和於四海揚巖穴思得俊良汝肥遯邱園博聞今古周探治體義用而弗矜自保天悅養恬而為樂覽守藩之上疏稽首昂之舊章渴望末儀副於虛佇且兼濟乃達人之事獨善貽大雅之識勉赴闕庭無懸雲豎翹待之意當寧增深今遣供奉官周理齋詔就山召汝赴闕仍賜緡百疋錢十萬

許仲放暫歸舊山記 咸平六年二月甲戌

汝久安樓道近副旌求方得嘉謀庶之好爵述有松楸之念復興雲
聖之心重達雅懷卿遂勤請宜許暫歸舊山三兩月間與汝歸閑

遣中使召仲放詔 景德四年九月己未

朕臨御寰區憂勤肝吳詳延茂異物色隱淪思訪詰言用熙庶績以
卿樞心嚴實屏迹蒿坐躡圉綺之選雖有曾顧之至行特舉貴闈之
典果符前席之心是用蕃錫寵章擢升近署僅周歲律超錢諫垣聿
推不次之恩寔顯非常之遇每因廵見屢啓諮詢既洞曉於典異亦
備詳於理道載觀敷納蔚有材謀深簡朕懷頗思大用然以摺紳之
列朝野之情未能忘却足緩成命而卿中林結想旋頒賜告之文魏
闕言歸吏覩來儀之盛副予虛佇亦諒純誠今四隣來同萬惻思又
方崇政本庶寧時風雨必能斟酌化源丹青王度恢富國強兵之術

陳制禮作樂之規反林遷淳措刑息訟輔予不遠馳致太平登用機
衡弼成寡昧卿宜體茲眷遇鑒乃誠明叙經國之夫猷述致君之遠
略盡形奏牘以沃朕心副涼德之倚毗塞外朝之觀聽乃司樞務式
治至公

召給事中科放詔 大中祥符三年正月己未

卿志懷巖壑學洞經早副詳延方際待邇爰從假告已涉歲時雖
俯徇幽棲固冲和之是保而每當清宴在虛佞性良深詔到日可發
來赴闕

賜狀放手札 大中祥符三年正月甲戌

卿頃應鵠書來登文陛諮詢無隱言簡於朕心慎密居多事絕於人
飛雖荐存於眷注然難格於幽棲固辭振驚之班佳遂冥鴻之志爰
從賜告倏已踰年較想風規豈忘鑒寐天一之詔方俟於來庭而馬

之平未聞於戒道誠虛懷而有阻諒素履而彌彰亦知所告未平遽
養為切勉從陳請深膺頤言將來若有詔書勿復辭也

詔陳升之起復赴闕詔 熙寧四年

勅升之鄉嚮繇樂棘越去機衡念勇節之卒哀橫禮權而渙命宜還
寧席載亮天功懋思大忠來副重倚已降制命除鄉起復想宜知悉

召韓絳赴闕詔 熙寧四年

勅韓絳卿忠誠許國德業熙朝久出撫於邊疆近進升於魁柄眷言
勤瘁彌渴儀形趣宜治歸始佇延見詔到日仰可發來赴闕思宜知悉
賜新除門下侍郎章惇赴闕詔 元豐五年五月

卿以舊輔填撫北陸紹懷俊能入議敷政令訓迪有位服於宦成倡
予猷為良在近弼宜副延曠並覲闕庭

召守太師致仕文彥博詔 元祐元年四月戊子

卿踐更上府弼亮三朝呂聞四裔功在天下注想凡老渴見儀形宜
疾其驅副我虛佇詔書到日卿可肩輿赴闕并勞賚處居中隨侍令
河南府津置行李

賜新除落放仕依前光祿大夫范鎮赴闕詔 元祐元年十月

十八日

勅范鎮夫有德君子以精神折衝譬之麟鳳能服猛獸朕虛懷前席
思致諸老非敢必以事委也苟得黃髮之叟皤然在位則朝廷尊嚴
奸宄消伏卿雖耆老乃心王室毋憚數念之勞以副中外之望已降
勅命落卿致仕除依前光祿大夫充端明殿學士兼侍讀提舉中太
一宮兼集禧觀公事詔書到日可發來赴闕故茲詔示想宜知悉冬
寒汝比平安好謹書指不多及

賜韓絳赴闕詔

勅韓絳省所劄于奏陳乞致任事其患鄉擢自祖宗輔翼先帝德望
之重天下聲聞興其致之一方勞以民事不若歸安閑下式瞻儀刑
脩老閑居同非所望嘉猷入告夫豈不能追鄉云還及此初夏已降
勅命差卿充集禧觀使詔書到日可發來赴闕故茲詔示想宜知悉
夏熟鄉比平安好遣書指不多及

同上

勅韓絳覽所劄于陳乞致任事具悉為天下計則賢者常勞為人臣
媒則老者當逸今朝廷倚卿之意酌處其中奉朝請於琳宮所以系
民望釋負荷於留鑰所以慰雅懷勉及清和亟還朝旨已降勅命差
卿充集禧觀使詔書到日可發來赴闕故茲詔示想宜知悉夏熟鄉
比平安好遣書指不多及

賜新除翰林學士許將赴闕詔

勅許將鄉歛而好學達於從政出殿方國則修儒術而飾吏事人備
顧間則酌民言而廣上聰侍命北門號稱內相雖於鄉為舊物實當
今之高選亟殘厥職竚聞嘉猷已除鄉翰林學士朝請大夫知制誥
詔書到日耳未遞馬疾速發未赴闈故茲詔示想宜知悉

召知頤昌府危純仁赴闈詔元祐八年六月甲寅

卿自予訪落典獄鴻根近置鵠司協成幾務贊襄範業夙夜用勞引
伏外邦怙有日月允懷廣益想見老成聞詔耶途毋留晷節詔書到
日卿可乘馳馬疾速發未赴闈故茲詔示想宜知悉

求遺書

詔求三館閣書詔太平興國
年正月壬戌

國家勤求古道啓德化源國典朝章咸從振舉遺編暨簡宜在訪求
致治之先無以如此宜今三館所有書籍以開元四部書目比較據

見閱者特行搜訪仍耳錄所少書告示中外告臣僚之家有三館閣
言許詣官進納及三百卷已上者與子出身不及三百卷者據卷秩
優給金帛如不願納官者借本縕寫

訪遺書詔咸平四年十月甲子

國家大崇儒館博訪藝文雖及解求尚多亡逸特降恩制用廣搜延
應中外官及民庶家有館閣所少書籍並令進納每卷給十錢及三
百卷已上當量材錄用

求遺書詔嘉祐五年八月壬申

朕聞自昔致理之君右文之世曷嘗不以經籍為意也蓋化民成俗其
由學乎我國家承五代之後簡編殘闕散落殆盡建隆之初三館聚
書纔僅萬卷祖宗平定列國先收圖籍亦嘗分遣使人屢下詔令購
募所至異本間出補綽整比部類漸多朕繼紹光志罔敢失墜景祐

中嘗詔儒臣校定篇目偽濫重複並從刪去藝文之盛槩然詳備朕
聽政之暇無廢覽觀以今秘府之所藏比唐開元舊錄年祀未遠遺
逸何多宜開購賞之科以廣獻書之路應中外士庶之家有收館閣
所闕書籍許旨官送納如及五百卷當議與文武資內安排不及五
百卷每卷支絹一疋令進奏院遍牒四京并逐路轉運司指揮轄下
州府軍鹽縣鎮委自知州通判等多方採訪如士庶之家有收藏得
上件書籍及別更有奇書令具名件卷帙所撰人姓名年代逐旋繳
連聞奏內在京者仰於崇文院收納仍令編定所有詳如部快完全
的非偽濫即仰開坐聞奏當議依詔推恩

出宮女

放宮人詔大中祥符元年五月癸未

掖庭之中名職素定各司其事咸率舊規肆予纂承無所增益八月

之筭蓋廢而不行九御之列亦闕而未備慮高遠於物性頗深矜於
朕懷比屬餘閑特從昭問式遵其意以洽至仁其宮人一百二人宜
令入內侍省優與資遣放令從便

出宮人詔 大中祥符八年五月庚子

朕稽古前猷敷于內治眷掖庭之等級奉彤管之歲規九職備儀腳
分掌於名物八月筭賦固無事於採求念陳力之勤勞並推恩而貴
造仍加優給式洽深仁其宮人一百八十四人放出掖庭各令從便

宋朝大詔令集卷第一百五十九

政事十二

建都

升應天府為南京曲赦應天府及至京所過縣境以下制大
中祥符七年正月丙辰

門下順勁首方所以尉僕來之誦奉先繼志所以恢孝治之風矧復
自靈城而遷衛宿名藩而駐軒輶興王之地既積於永懷伸迤遠之
心宜揚於令則朕紹膺跋命茂集純禧祗受於圖書交修於典禮岱
宗汾壤接統於千齡寶緒璇源發祥於百世將肇升於吉上期大報
於高旻飭駕誰邦先伸於順拜回輿矚郡載想於有開懷慕祖之膺
符徇樂郊之望幸仰昭前烈肇達折鄙時令是遵屬發春之在序王
猷斯展期慶賜之及人式覃寬大之恩用答延鴻之祐可赦應天府

管內及至京行幸所應縣分正月二年九日昧爽已前謂犯罪人死
罪奏取勅裁外流罪已下咸赦除之應天府并為南京正殿以歸德
爲名云云於戲禮成祈福惠濟觀民尊祖均禧已降於丕祚持盈守
位愈勤於小心告爾多方體予深意

建北京德音

庚辰二年五月戊子

相邑設都所以因地形之勝省方展義所以考民風之宜乃賜魏郊
實當河麓席萬里之懿兆冠千里之上腴隱然北門壯我中夏洪惟
聖考頃駐瑞輿宮館並存威靈如在緬懷凝烈彌切於孝思嘉慰俟
來收忘於時邁載板舊制崇建別京茂昭善繼之猷乃渙惟新之澤
大名府宜升為北京先朝駐蹕行宮正殿以班瑞為名大名府管內
及河北州軍云云於戲奉先修舊封域之制已中肆青綏刑雨露之
秋載浹浩爾邇邇當體至懷

建易州縣

升塞州為節鎮詔

開寶五年閏二月庚戌

高麗古封諸城割郡擅耕桑之美利居海嶽之上游宜升節制之權用壯藩維之寄其塞州宜升為節鎮以安化軍為名

升宿州為節鎮詔

開寶五年八月癸卯

勝惟宿國實處安衝接淮水之上游乃符離之故地保升節制用壯軍城具宿州宜升為節鎮以保靜寧為名

以榆次縣為并州詔

太平興國四年五月丁亥

乃勝太原本為巨屏蓋以山川險固城壘高深故孤兒憑而為姦蜂蟻聚而肆毒臨我比屋幸為匪人惡木之陵君子所以不息亡國之社先王用之垂戒宜遷秦塙式變凶墟俾因易地之方庶就革晉之善其太原舊城內已今廢毀依舊為平晉縣以榆次縣為并州其太

原城內歸順將校等並限與賞給其舊城內尼僧道士並遣使護送
西京官給寺觀處之官吏及高賛戶並於河南府陽田宅便為永業
其他民戶悉移於新州仍令長吏倍加存撫

以靜安軍為深州治所

雍熙四年二月丁未

詔深州管內人戶等昨以敵人肆暴侵我封陲惟彼生民被其荼毒
永言憫恤日志于懷思有改廣期安輯宜以靜安軍為深州治所思

廢夏州舊城詔

淳化五年四月乙酉

日者李繼達報負國恩荐為邊患禍卒鄰國侵掠封隙朕不欲加兵
蓋思靜亂遂令李繼橫授之節制俾鎮夏臺外則式遏亂略內則撫
綏恭庶而乃與音相和狐性多疑畏與肺腑之親潛結輔車之勢迭
為表裏孤負倚此謂舉偏師用平三窟春茲民庶久困兵鋒蓋由百
雉之城深在強鄰之境豺狼因而為援蛇豕得以興妖思珍餘風用

遷善地艱務革音之態永懷按墳之心其夏州舊城宜令廢毀居民並遷於綏銀等州分以官地給之長吏倍加撫存

改鎮海軍詔 淳化五年十月丁巳

春坡營邱控於東夏太公開四履之地小白舉九合之師忠烈猶存風流可尚宜改總成之號用旌表海之邦青州平盧軍改曰鎮海軍

改寧海軍詔

同上

浙右與區餘杭故壤閭閻舊族有延陵廉讓之風組練雖師知滌武訓齊之令控於洛海實曰大藩故更節制之名用洛底寧之化杭州鎮海軍改曰寧海軍

以靜樂軍置憲州詔 成平五年五月癸卯

列城郭塞控制外蕃其於形勢之宜當處要衝之地俾遷治所用壯邊陲宜以靜樂軍置憲州

赤宋州為應天府詔景治三年二月甲申

睢陽與臣平臺舊壤兩漢之盛並建於戚藩五代以還荐升於節制
地望雄於征鎮經理接於神州實都畿近輔之邦乃帝業肇基之也
恭惟聖祖誕啟鴻圖爰於歷試之初兼領元戎之寄詔徵所集符命
荐殊殆茲累朝俯同列郡式照茂烈宜錫崇名用彰神武之功其表
興王之威宋州宜升為應天府宋城縣為次赤寧陵楚邱柘城下邑
穀熟虞城等縣並為次畿

建永安縣 景治四年正月丁卯

比者參朝茂寢式度孝思仰瞻烈聖之靈方積昊天之感營建城邑
充奉山圍祉率徽章用崇先烈永安鎮特建為縣隸河南府同赤縣
委本府與轉運使割就近稅戶隸屬夏秋二稅止輸縣倉不得移撥
常賦之外免其他役著於甲令慰朕永懷

升泉州為防禦州詔
景德四年九月丁未

泉州素為名郡克壯炎荒地控百蠻顧連五嶼屬狂妖之窟發當走
集之奔衝而能壯彼軍聲堅其城守咸渝或勇武過冠振宜加禦侮
之名用表盡忠之効可升為防禦州

升兗州為大部督府詔
大中祥符元年十月丁巳

龜蒙與壞沫泗名邦列禹貢之舊封被孔堂之遺教勸封六卑弭節
所臨爰觀省於民風遂詢求於地志矧喬嶽在望乃茲土之式瞻而
清蹕所經蓋連甃之相慶式增府號以慰輿情兗州宜升為大部督
府

改祥符縣詔
大中祥符二年正月甲子

上帝眷懷元符錫命以首春之旭旦降東掖之禁門載籍輿地之圖
實在浚都之壞式昭天瑞俾著邑名浚儀縣宜改為祥符縣

罷京西驛路出永安詔大中祥符二年二月戊戌

昨議從京西驛路出永安縣且永安陵邑也如間從之則秦蜀行旅
戍吏入貢悉由於此神道貴靜非所宜也其亟罷之

改行慶闈詔大中祥符四年三月戊戌

比者故贊巴禰鴻駕復路登王闈之樞會控蜀邑之要衝宜易美名
用昭多慶可改虎牢關為行慶闈

緣河縣分各於河南北就便營帳詔大中祥符五年九月辛未
瀘河列郡在常賦以攸同屬邑分體有長津之是阻言念供租之際
非無涉險之勞移隸官司庶從民便宜令京東京西河北陝西轉運
司與逐處長史同相度緣河縣分鄉村各於南北就便營帳

建昇州為建康軍江寧府

大中祥符二年二月戊辰

勅朕以祇畏昊穹保寧基構荷鴻禧之總集祐丕緒之綿昌眷予宗

藩贊淮元嗣愍和植性務將習以相資孝友淳方尤夙成而有裕及
稽與頌式舉獎章較增燕土之封彌固維城之業表滋南紀允謂與
區式示壯猷特崇巨屏宜建昇州為建康軍江寧府

升鄭州為節鎮詔景祐元年十二月丁丑

周禮九畿益尊聚內漢設二部是陪京師自相宅浚郊夾右榮圃爰
據扶翊之義參領防遏之兵肆先聖之時巡嘉馳道之所出留燕臺
老省觀風諜比覽侍臣之章請增戎鎮之號矧車得旁五民廬革藩
固可以充奉殷園輔寧都向式循廣武之舊且寵建牙之威鄭州宜
升為節鎮以奉寧為號仍以大兩省知州

升蔡州為淮康軍

景祐二年十月己丑

王者因督師之地立節制之名所以啟公侯之封崇屏翰之望寶大
土宇衛於京師乃眷汝南之墟舊惟豫州之域控帶淮濱委迤浚都

城邑旁連尤為刷郡賦輿錯出實異處邦矧氣候本於中和風俗底
於康靖宜升建牙之號式厲經武之方蔡州宜升為淮康軍

置京畿輔郡詔皇祐五年十二月辛丑

朕紹膺峻列維御方夏念有周之成憲遠二漢之宏規乃廓中都爰
分三輔以內史主風化用司隸察淑應事存簡辦理在討評今京邑
成基王基定制取象日於千里表為則於四方樹本有端提封必廣
務參求於載典期壯大於神州並建近藩用沃丕業以京東曹州京
西陳許鄭滑為輔郡並屬畿內既資謀始增闢前規精擇近得之良
倚重陪京之寄咸益兵而督轄仍置使以漕輸考古御今圖寧性永
除依前降指揮

升穎州為節鎮詔元豐二年八月

今朝州郡之別土廣民衆則必表以節制之號况王者舊封之地顧

可以無稱哉汝陰與區東豫舊壤朕實受胙於先帝以啟土茅宜加
寵名用顯基命頴州宜升為順昌軍節度

曲赦頴州德音元豐二年九月癸未

門下朕祗道駿命紹膺寶圖急賜處於先朝嘗開邦於清颍賦與繁
錯民氣中和遙連浚都密屏王室廣大土宇究存茅社之封隆名顯
稱未正節旄之號近審恩詔列為巨藩宜覃曠恩以澤舊國應頴州
管內見禁云云於戲建牙示罷晚光父胙之休厚下推仁更表昭天
之慶咨爾有眾體予至懷

升許州為頴昌府詔元豐三年正月癸酉

惟頴州之奧區實上國之巨屏土疆財賦既廣且繁朕祇荷永圖紹
齊聖緒建施授節基命此邦錫且府名用慰民望其升許州為頴昌
府

曲赦頴昌府總督元豐三年正月丙子

門下朕膺天之萬祐紹列聖之丕基昔在先朝迷分外鎮眷許昌
之巨屏有忠武之全師伏鐵建牙茲惟我屢升備纂版寔自是邦畿
爾山川陪浚都之王氣敷于民俗想夏禹之遺風是舉故常特崇名
號俾雄輔藩之制式慰臣民之心乃霈渙恩以彰休慶頴昌府管內
見禁罪人限德音到日云云於威擁旄開府荷景命之有先布總行
仁與舊封而同榮咨爾恭庶體予顧懷

端州升為節鎮詔元符三年十月乙卯

惟高要之輿區乃南國之舊壤土風淳厚民物夥繁朕誕受多方紹
承大統顧啟封於茲土實賜履於先朝茅社之榮是為基命蒞施之
重宜錫隆名端州升為節鎮仍以興慶軍為額

端州境內德音元符三年十一月丁卯

門下朕荷宗祐之靈膺神辰之重推原基命肇自先朝以高要之興
區為真之賜履粵承大統實始舊封相彼山川已應春陵之氣眷
茲倪耄豈無代邸之恩肆升鄙鎮之旌誕霑州閭之惠應端州管內
云云於威建牙立纛既寧萬世之休宥罪施仁以廣一人之慶皆爾
有粢體予至懷

建拱州為保慶軍御筆

崇寧四年十一月十日

京師川原平衍無阻山帶河之險比建四輔拱翼都邑涇鄭潁昌因
舊節度以壯屏翰之勢其新置拱州未賜軍額可依涇鄭例賜以準
額其四輔仍隨四面稱某輔馬步軍都總管永為定制十二月九日
奉聖旨拱州賜名保慶半為額餘依已得指揮

開德建府曲赦管內德音

崇寧五年十月二十日庚辰

門下朕誕膺駿命祇紹寶圖昔在先朝遙臨外屏乃眷疆孽之節嘗

為賜履之邦被山帶河拱神都之根本深溝高墻控朔部之襟喉近
邊烈考之規申盡王畿之制升之向服崇以隆名嘉府號之肇斯念
國封之惟舊宜覃渙渥爰示寵綏應開德府管內六十六於戲開府建
牙既重翰藩之勢布德行惠式慰臣民之心告爾有邦體予至意

湖南提刑席貢乞靖州開通驛路御筆

大觀六年六月十一日

新造之邦雖已附順其民輕而易搖山川之險夷道里之遠近無阻
隔之患則可為持久之計可依所奏令王祖道張莊相度措置開奏
即不得稍失其情因致騷動右劄下王祖道張莊仍限一月

建瀛州為瀛海軍河間府御筆

大觀元年十一月十八日

瀛於北道地大物衆宿兵置師旁制支郡其所統屬滄吳等州皆為
節藩而尚仍舊昔為防禦州重輕不倫可以瀛州為瀛海軍節度河

間府

差官措置涪瀘南平軍御筆

大觀二年八月二十五日

西南夷赴涪瀘南平軍納土歸順三州地里遼遠瀘州又隸梓州路
相望隔越撫納勞休守佐之臣未必能辦其事新附之民初歸王化
苟失其情使其心悔非率服懲喪之道除涪州已差龐恭孫外瀘州
差趙適南平差崔于堅前去尋一措置仍疾速施行

胡耳西路蠻向慕納土置州御筆

大觀三年正月二十四日

胡耳西道蠻向慕納土幅竇千里當置州縣以撫其俗今措置音有
害其成止建城寨屯戍既少聲援不接易叛難安非長久之計可令
王子戊同王長孺知州事鐘祖獻昨任靖州頗知其詳宜差充轉運
司勾當公事與長孺協力措置

瀘州升為瀘川軍御筆

宣和元年五月二日

瀘州西南要會控制一路邊門之寄付畀非輕可升為節度賜名瀘

川軍

宋朝大詔令集卷第一百五十九

宋朝大詔令集卷第一百六十

政事十三

官制一

置縣尉詔建隆三年十二月

盜賊閭諺其獄寃繫遠捕多在於鄉間聽決合行於令佐頃因兵革
遂委鎮貟漸屬理平合還舊制宜令諸道州府今後應鄉間盜賊閭
訟公事仍舊却屬縣司委令尉勾當其一萬戶已上縣差弓手五十
人七十戶以上四十人五十戶以上三十人三千戶以上二十五人
二十戶以上二十人一千戶以上一十五人不滿千戶一十人合委
節級即以舊鎮司節級充其餘人並仰停廢歸縣司免役其弓手亦
以舊弓手充如有盜賊仰縣尉躬親部領收捉送本縣若是羣賊仰
盡時申本屬州府及捉賊使臣妄節度防禦圍練伏刺文盡時選差

清幹人員將領廳頭小底兵士管押及使臣根尋捕逐務要斷除賊
寇肅靜鄉川不得擅便攬擾其鎮將都虞侯只許依舊勾當鎮郭下
烟火盜賊爭覬公事仍委中書門下每縣置尉一員在主簿下俸祿
與主簿同

一品致仕官曾帶平章事者綴中書門下班詔

乾德元年十二月

羣官列位自有通規舊德來朝所宜加禮且表優賢之意抑教尚齒
之風自今一品致仕官曾帶平章事者每過朝會宜綴中書門下班

藩鎮帶平章事休致者綴中書門下班詔

乾德二年二月壬戌

伏誠成功懸車得請奉退身之道既叶前經念眉壽之賢豈忘異禮
自今應藩鎮帶平章事求休致者每遇朝會宜令綴中書門下班

重書記詔

乾德二年七月辛卯

管記之任資序順優自前藩鎮薦人多自初官除授自今厯職兩仕

以上有文學者即許觀察留後奏充掌書記

置三司推官詔

正月丙戌
乾德四年

國家慎擇時才參掌邦計貨泉所聚職務尤繁方寡得人各俾陳力
雖思不出位勿侵長官之權而知無不為共濟公家之物其或條綱
有所未正利害有所未明臨蒞者既不知周揚歷者必能通究不可
誠言而自守所期聞善以相規饑功過歲分則黜陟斯舉宜行條制
以革因循應三司鹽鐵度支戶部判官等除各行本司公事外自今
應有改移制置支撥折秤增減條例轉輸供備凡十起請並叅商量
切在從長務令允當若或事未靖詳理須詢訪即宜關牒以問刑司
才受公文便須盡理回報具明可否方得施行苟涉稽遲當行懲責
若或因而更改頗協便宜仍具奏聞並充課績若在省編曾預咨謀
事猶未決即許牒諸路轉達司使問其利害其轉達司承受公文亦

准前應報或當軍期不在此例應三司使或有行遣未當本司判官並須執誥如事理顯明不肯依據即許面取進止或有事已經敷擗稱奉旨施行者若未通便亦許指陳或本司判官避事不言仍許別部判官及逐路轉運使直具利害開奏賞罰之典斷在必行應送司判官各批書課績與判官通置每至年終當歲考校無勞者退黜有功者甄酬或明知利害之事顯然猶默不言便當舉行不湏終歲應三司令各置推官一員今總斷逐司公事兼專管勾司公事仍別給印應三司事如點檢得判官等起請改正條件亦仰置屢批書諸道轉運使者如見三司行下公事有不便於民者許直具事狀以聞不得隱避其所行公事及中奏起請改正條件亦仰置麻批上逐一進呈以憑校定方第明行無陟伏致理之本責實為先所宜上下同功中外協力各修乃職咸聽朕言勉施盡瘁之勞以副責成之意

御史臺流內銓南曹刑部大理寺並三周年為清詔光緒四年八月

壬寅

憲府絕姦天官選吏秋曹獄獄俱謂難才譖名既責於勤勞消歲且行於旌賞其間刑法之寺斷覆之司雖已降勅文未明立月限宜特頒於定制庶各勵於當官應御史臺吏部流內銓南曹刑部大理寺自少卿郎中員外郎知雜侍御史以下及丞簿司直評事等並以三周年滿酒常在本司蒞事者至月限滿日便與轉官尚書侍郎御史中丞大理卿別級加恩其奏補歸司勒留官并令文等各與減一選

省西川州縣官增俸詔

開寶三年
七月壬子

丈員繁而求事之治末之有也俸祿薄而責人以廉甚無謂也與其冗員而重費不若省官以益俸自今應西川管內諸州及二萬戶以上依舊置州官三員一萬戶以上置錄事司法參軍各一員其司法

兼司戶事五千戶已上置司戶一員兼錄事司法事諸縣千戶以上依舊置令簿尉三員千戶至四百戶以上置令尉各一員尉兼知主簿事四百戶至二百戶置簿尉各一員簿兼知縣事二百戶以上置主簿一員兼知令尉事其州縣官等料錢仍於舊俸外每月更加五千並以見錢充未麥仍舊支給

省官詔

開寶三年八月戊辰

昔漢光武令司隸收各寶所部省減吏員十置其一當時稱治事惟師古可舉而行自今應天下州縣官宜依西川例減省員數

金銓司移注嶺南官詔

朝廷初平廟宇方布皇風念破弊民久經苛政寶物循良之吏往施恩養之恩宜令銓司於鄧唐隨郢襄均房復安中等州已南并荆湖管內見任令錄兩考以上及判司簿尉兩任五考合入令錄年五十

五以下者移注嶺南管內諸州通判兼令取便般眾仍以三考為限
候秩滿不令守選並據資叙與注內地幕職

三曹攝官無遺闕者以名聞詔

開寶四年十一月庚戌

諸處攝官並皆停罷或累親公事稍負弛能慮成棄捐所宜搜訪其
今吏部流內給南曹偏下諸道如有三曹攝官並無道闕者即仰照
檢解由具名以聞如有偽命攝者不在此例

省文詔

開寶五年正月壬寅

州縣之內官吏寢繁官既冗而吏不省其非所宜也應請道州縣之
及當直人力令等第減省

置河堤判官詔

開寶五年正月丙子

朕每念河堤潰決頗為民灾故嘗置使以專掌之思設條佐共濟其
事自今開封府天雄軍鄆鄆澧滻孟漢懷鄧齊總博濱衛渭十七

宋史卷一百一十一
處各置河堤判官一員即以逐州通判充如關通判委本州判官兼領之

邊遠官三年除替詔

開寶五年十月戊戌

國家提封既廣吏職尤繁邊遠勁官所宜矜念政成受代素有規程苟或踰時諒難為勸自今委所司照檢到官月日纔及三周年便與除替

京朝官羣事於外者曾經責罰與邊郡詔

太平興國八年四月辛卯

國家並建庭官分掌采務各司其局成盡其才不明殿最之文曷申懲勸之道應州縣幕職官吏等吏部蓋有常規自今京朝官羣事於外者秩滿歸闈曾經責罰及臨事簡慢者並與邊郡遠地其課績高第治行尤異者授以近地式示勸能宜令著為定制

司理閑令本州於見任簿尉判司內選充詔

太平興國九年五月乙丑

司理參軍專於推鞠研復稽實尤在得人如間諜道多闕此官蓋吏部拘以員缺難為注擬自今應有闕處宜令本州於見任簿尉判同內選擇明敏有官業者充秩滿當與升獎具罷軟不仕職者便可選官代之

親選擢官吏中書審勘別聽進止詔

太平興國八年八月丁酉

朕選用羣財分領眾職雖九品之賤一命之微未嘗專望於有司必須召對於便殿親與之語以觀其能儻教納而可覩必越次而茂資恩或由於旣梓理未至於澄清自今應親臨選擢官吏並送中書更審勘履歷別聽進止

京官幕職州縣官丁憂者故離任

雍熙二年十月辛卯

三年之制謂之通喪乃聖人之垂教貫百代而不易向者臣僚居喪多從抑奪蓋切於致理而急於用人求使一時誠非永制方敦孝治

以厚時風宜從樂林之心俾守苴麻之禮自今京官幕職州縣官有
丁父母憂者並放離任常參官奉取進止

改遺補官名詔

炳於元年二月乙未

補闕拾遺位居諫省榮踐清華之列是為獻納之臣朝廷之得失酒
論刑政之頗奇必舉除茲職業寄任非輕上則輔相大臣次則公卿
庶尹歷朝選任何莫由斯苟或但務因循止思慎默忠言讜議寂寥
無聞殊乖中諷之規渴副廷官之意宜更舊號特立新名庶明立制
之文咸勵匪躬之節其左右補闕宜改為左右司諫左右拾遺宜改
為左右真言

除少卿官詔

淳化元年四月丁未

九寺三監國之羽儀制度聲明往往而在各有副貳率具司存品秩
素高職任尤重部吏運授斯為舊章比聞搢紳之流頤以臺閣自許

目爲散地甚無謂焉朕特候之自找而始具以兵部郎中沈承恭爲太常少卿戶部郎中張洎爲太僕少卿呂端爲大理少卿魏庠爲衛尉少卿城內爲司農少卿袁廓爲瀛臚少卿柴成務爲光祿少卿工部郎中張雍爲太府少卿

秘閣次三館詔

淳化元年八月庚戌

朕肇興秘殿典掌羣書仍選名儒入直於內文籍大備粲然可觀處中禁以左開非外司之爲比自今秘閣宜次三館其祕書省依舊隸京百司

刻秘閣贊詔

近以延閣載新萬機多假腳書贊詠以美成功所純做猷深虞漏略出於未興豈足多稱謾覽封章顧刊堅石垂於不朽良積厚願其贊并序朕兼爲親書并篆刻石額以旌秘省

三司判官見本使儀範詔

淳化三年五月丙辰

國家並遣官司各有僚屬在班爵而既異因名數以洞分所宜奉承
宜可進越自今三司判官見本使各謹禮度無失恭虔每日內朝謁
見非咨事不得輒至本使廬中朝罷各赴本司視事即不得於諸處
輒行私謁御史臺專紀之

置三司使詔

淳化四年五月戊申

國家擇公幹之臣掌財賦之任俸入甚厚柄用非輕必當立興利除
害之謀成家結人足之美使廩廩之內常有餘振山澤之間悉無遺
利率土共臻於富庶小民不起於怨咨斯謂得人方為稱職夫何羣
吏未副所懷設官屬以雖多舉綱條而靡當空令聽覽日有勞煩用
責盡公務求實効各共勤於職分仍併省於吏員黜幽陟明闢有獎
典自今只置三司使一自判官六員推官三員三部勾院只置判勾

一員判官一員其三部屬吏仍舊貫三司使只於按檢署字外處符牒只令判官通置彌行

罷提刑司詔

淳化四年十月壬戌

昨者申命使臣分聽獄訟徒經歲序蔑有平反既莫副於哀矜諒祇為於勞擾其諸路決違刑獄宜從省罷委轉運司振舉之

翰林樞密直學士職位在丞郎上詔

淳化五年六月甲辰

翰林樞密直學士職參內著禮絕外司况品秩以既殊在等威而宜峻頃者有所改易深未便安宜申明於舊章用遵行於故事自今序立班位依在丞郎之上

三司判官主判推官等見本使儀詔

淳化五年十一月辛未

朝廷設官分職各有等威若既不同禮亦異數自今令三司判官主判推官等見本使並如郎中員外見丞郎尚書之儀

復三部使詔

淳化五年二月辛丑

銅鹽之務所以寵天下之貨財度支之司所以辦邦國之經費泊民
曹之劇任皆邦計之本源蓋以司金穀之耗登謹府庫之出納爰從
近代以迄我朝雖琴瑟改張俾期於易治而未盡細碎並致於滋彰
宜復前規用為永制應兩京十路並復歸三部各置使一員每部置
判官推官共四員人掌兩案公事別置都監一人序於判官之下都
勾部以備三部牽糾簿領之出入焉以總計陳恕為鹽鐵使樞密院
承旨左屯衛將軍王延德為度支使樞密直學士屯田郎張鑑為左
諫議大夫戶部使左計使魏洎右計使董儀並罷

王顯兼河北都轉運使詔

咸平四年五月甲戌

近連饋餉責在轉輸比擇時才徃分憂寄而權輕位下罕濟利權特
命大臣兼掌其事宜令定州駐泊都部署山南東道節度使同平章

事王顯不河北諸州水陸計度都轉運使應供軍需弟芻糧並同經
度其餘刑獄公事止今轉運使副施行

罷王顯兼河北轉運詔

咸平四年十月丁卯

向者師旅繁興邊防太聳式資餉運以壯兵鋒爰命帥臣兼領其事
今寇戎迷遁疆堠謐清宜令攸司各仍其舊其北面都部署王顯等
所兼河北轉運宜罷之

復置三司使詔

咸平六年六月丁亥

國家按九州之圖籍從四海之封疆粗膚有金谷之饒筦榷有銅盃
之富為我邦計在茲地征稅而治之是曰會府自頃並建三司各領
一司院統攝之不同亦因循而漸理罕資費用但益煩苛均有無則
局分相違定狀納則薄書交錯綱條失序言論虛庭空叅典常殊無
體要用圖經久特議更張僉擇能臣俾之兼領仍設副贰分佐事權

勉忠盡忠副戎注意

宋朝大詔令集卷第一百六十

宋朝大詔令集卷第一百六十一

政事十四

官制二

許入穀授官制 董德二年二月

有司言西漢晁錯以為爵者上之所擅出於口而無窮粟者民之所
稟生於地而不乏使入粟以受爵塞下之粟必多文帝從之令民入
粟備邊六百石爵上造稍增四千石爲五大夫萬二千石爲大庶長
事存故典利及公家懇冀遠行以便儲積苟濟軍國子何恤焉自今
許人於河北定州廣信安肅軍北平塞入穀千石授本州助教文學
二千石賜出身三千石授簿尉借職四千石授奉職五千石授寺監
主簿六十石授正字校書郎七千石授太祝奉禮郎八十石授大理
評事殿直九千石授諸寺監丞侍禁萬石授大理寺丞供奉官洛邢

趙貝冀博瀛莫雄霸保鎮等州乾寧順安信安采定永靜保定等軍
千石以上加二百石授助教文學二千石已上復遞加二百石至萬
二千石授大理寺丞供奉官懷衛磁相澶等州天雄軍通利軍十石
已上加五百石授助教文學二千石已上復遞加五百石至萬五千
石授大理寺丞供奉官

廣南官並春夏定差許秋冬到任詔

景德四年
癸酉

海隅之地炎瘴寃繁方賴衆官徃司民政如聞暑月冒涉長途或遘
沉疴豈忘矜恤自今廣南官並春夏季內定差許至秋冬到任

選官充知陵臺令兼永安縣事詔

景德四年
上月庚申

朕以列聖在天因時永感瞻言陵域肇建官司所擇朝闢之臣仍兼
宰邑之務式嚴充奉用著典彝宜以殿中丞黃昭益知陵臺令兼永
安縣事仍令有司就陵令公署增脩縣廨

增置開封府推判官詔

景德四年

月壬申

春茲京邑是謂浩穰獄訟寔繁民務尤劇宜增條佐分隸職司庶遵
明慎之文式仰審清之効開封府推官判官宜各增置一員分掌刑
獄稅賦仍加俸給如事有枉抑未盡公理非吏人受財者自今並以
推判官為首

置諸路提刑詔

景德四年六月辛卯

朕勤恤蒞人勵精致治惟寰區之至廣念獄犴之寔繁且訊鞫之初
寧無枉撓而處斷之際豈盡平反苟致沉冤必傷和氣方資審克用
副哀矜今擇官諸路提點刑獄公事具官云云所至專察視囚禁審
詳案牘州郡不得迎送聚會所部每旬具囚繫犯由訊鞫次第申報
常檢舉催督有繫淹久者即馳往案問出入人罪者移牒覆勘劾官
吏以聞諸色詞訟逐州斷遣不當已經轉連司披斷未允者並收接

施行官吏貪濶弛慢者具名以聞有庇匿並當加罪仍借緋紫以三年為任增給緡錢如轉運使之數內出御前印紙廉潔績効中書樞密院籍其名代還考課議功行賞如刑獄枉濫不能擿舉官吏曠弛不能強奏務畏避者寘以深罪

令霜官選京朝官曾知縣者充廣南知通詔

景德四年十一月戊寅

眷惟五嶺僻在一隅方殄絕於寇壤宜精擇於官守式資兵治以惠遠民應廣南知州通判宜令審官院選京朝官曾任知縣者充例引

對崇文院

置糾察在京刑獄詔

大中祥符二年七月丁巳

輦轂之下斯謂浩穰獄訟之間左爲繁劇苟粗乖於閲覽則或陷於非辜伏念軫懷當食興嘆分予憂寄今有得焉特進官司察其枉撓庶彰隱憚以召和平宜令金部員外郎知制誥周起侍御史趙相糾

察在京刑獄具御史臺開封府在京應有利禁之處並得糾舉逐處
斷徒已上罪旋供報內未盡理及淹廵者並追取業牘看詳驗奏若
曠於舉職致有枉濫因事彰露則重論其罪

令兩省御史臺官不得以它官轉入詔

大中祥符四年八月丙辰

諫垣近臣憲府清塗職在弼違任當執法先帝勗其獻納特改於名
稱歷代委以糾繩必資於端直苟非選用曷以當官至如軒陸承恩
榮列殊等靡緣叙進蓋在才難矧復就列中宸策名內省宣達命令
出入禁闈祖宗以來邦國舊制必由特獎以示勗勤昨者報奉勒封
禮成慶次曠世所遇固優洽以爲宜有位例違非悠長之垂法必從
區別以勵忠勤自令兩省御史臺官湏文學優長政治尤異者特加
擢拜遇慶恩不得以它官轉入其東頭供奉官至閣門祇候高品至
殿頭內供奉官至崇班並不得一例遷授其不預改轉者當議優與

差遣增其俸給

樞密直學士定六員詔大中祥符

宥密之地出處深嚴論思之臣踐揚清安雖素由於慎簡尚未立於定員矧侍從才難軒墀望峻在選賢之仗重宜著位之有常樞密直學士自今以六員為定

令川峽官許去本貫三百里外守官詔天禧四年二月庚午

區域之廣官師寢繁惟籍貢之所存在條革而有限察其情志寧靡懷恩矧夫致政之人已獲退身之適使還閭里足表恩榮悉用推恩從遂其便宜令審官院流內銓自今群官中川峽中有科名歷任無鹹罪經薦舉者三任內許一任去本貫三百里外守官其年老至仕者亦許還鄉

廢提刑詔正月戊午

國家憂勤萬萬欽恤群恭爰分命於使車冀平反於犴獄而歲序斯
久官局爲煩仍聞按察之間或致滋彰之弊載詢公議深矜子懷思
恤便宜式從廢罷矧惟均漕之任實分綏撫之權俾復舊規委之專
領當副省官之有竚旌舉職之勞宜令逐路提點刑獄朝臣限勅命
到日將本職公事及應承受到宣勅諸般文字等文割與轉運使副
管勾訖發來赴閱其本司合行省去事件委轉運司指揮訖奏所有
公人並發遣歸元差來處不得占留

罷宮觀使詔

天聖七年
上月已酉

近以上穹降災靈館爲燼然亟循倣戒俾輶轡完載惟列真之庭皆
有侍祠之使荐形封奏達于予聞以謂國家因事建官非爲定制况
夫董薦享之事備科式之文宜徇所陳無煩總領其罷諸宮觀使止
令判官同管勾宮觀事

置天章閣待制詔

天聖八年
十月壬寅

朕以纂膺宸統祇率先歛內奉長樂之尊外洽右文之化聿臻嘉靖
欽服燕詒真宗皇帝輝赫景炎丕降寶構受華媧之舊籙發谷口之
濂源紀號陟於爵封真珠造乎方澤凡資禮樂之用精成辰象之篇
俯近紫極創崇層閣榜以天章之美冠於策府之名煥乎堯言星羅
而雲布徽如萬律玉振而金相雖承稽古之風未立建官之署典不憲
闈之懿訓仲孝治之鴻規特擇雅材俾居邇列誕敷之德宣奉于茲
可特置天章閣待制位寵闈間待制下

置端明殿學士詔

明道二年
八月丁巳

先朝茂建官職屬精化本眷中宸之秘殿列資政之美名以待時髦
蔚爲盛選朕紹承丕構奉若鴻規雖夙御延莫諮詢於輔弼而再臨
便坐闈決於幾微期獎擢於名儒益增華於近職式資顧問用廣謀

欽宜置端明殿學士班翰林資政殿學士之下

復提刑詔

明道二年十月二十八日

惟三尺之法守一成之文頃在先朝常頒明詔慎束端良之士俾分提振之權蓋慮因圖滯淹尚多無告官吏能否或所未知爰稽按行之勤庶洽治平之化迺後事任斯久漸致滋章州郡之間或聞苛擾尋罷厥職頤曠攸司令以區域之中獄犴斯虐轉漕之吏庶按難周恐負失於詳明思復遵於規制減吏員之冗數絕迎送之重務務敷簡易之風用符欽恤之旨布告中外當體朕懷

三司使副未久不得遷易詔

景德元年二月庚申

眷言會府專制國財使領之權總臨於諸部副貳之列分幹於攸同名秩頤崇政務尤劇凡所更踐莫匪俊良故有不時而遷遂成數易之弊蓋念幅員至廣貨利惟繁必牢籠之得宜乃用度之無失非久

其職將廩厥官則底定之有同鑿服勞之靡懈庶使詳研計繹狎貫
事程克物力以阜民謹歲成而齊治副茲重委各竭精心自今三司
使副在職未久毋得非次更易

任子詔

慶曆三年十一月丁亥

周禮大司樂掌學政以六藝教羣國子漢制光祿勳典仕籍以四行
察三省郎茲其官才本於世胄然當辨論必屬俊良今陰法之所原
古典刑之是憲維因循之日久浸滋蔓而倅多敝生作法之涼濫起
推恩之過且賞延于世諒非及於疎京官惟其人顧可取乎稚齒墜
陞仕進之路復無誨育之科室不茨墉田不疆畝處不格立身之道
出不閑從政之方厯觀貴塗良鮮舊族此則上由朝廷法制之不立
下自父兄訓導之不孚故俾宰司詳爲著令使夫家嗣先祿以篤爲
後之體枝子限年以明入官之重穀考藝之格激之向學立保住之

條勉令率履前史不云爵祿者天下之磁石人君所以厲世磨鈍茲
實用焉庶乎位有稱職之才朝多濟世之美非惟為國進士是乃為
臣立家法示具僚知朕茲指宰相使相舊制除子將作監丞期親太
祝奉禮郎自今子并期親並如舊其餘親屬等第除試衛推丞副使
參知政事除子太祝奉禮郎督親校書郎自今子孫并期親尊屬如
舊制其餘親等除試衛僕射尚書子校書郎或正字期親寺監主簿
自今子孫并期親尊屬並如舊其餘親屬等第除試衛三司使翰林
學士龍圖閣樞密直學士丞郎除子正字期親寺監主簿自今子并
眷親尊屬並如舊其餘親屬等第除試衛式蘇郎龍圖閣直學士給
事中諫議舍人知制誥龍圖天章閣侍制大御監三司副使知雜除
子寺監主簿期親試衛自今惟長子聽如舊其餘親屬等第除試衛
或齋郎正郎及省府推判官并館閣官舊制過南郊許奏薦者自今

若曾犯賦至去官後未復官至正郎及員外郎帶職者只得奏子孫親屬一名若別有殊績或領重寄者勿拘此其降監當者即不許陳乞諸路轉運使副提點刑獄遇南郊非正卿及帶館職員外郎並湏於郊禮日前到任一年者方得奏薦應奉蔭選人年二十五已上遇南郊限半年許赴銓投狀差兩制已上三員於尚書省錄院置謄錄封彌司考試內習辭業者試論一首或詩賦各一首詞理可采不犯不考式者為及格習經業者春秋禮記毛詩周易尚書人等一經并兼習律文試墨義一十道只問正文五通為合格具及格者並放選其不中者且令守選七選已上經兩試九選已上經三試至選滿日如有京朝官三人同罪保舉與洋遠小判司簿尉如無人舉注司士參軍或不赴試又無人舉者吏不理選限奏蔭京官年二十五已上每年春季赴國子監投狀差兩制以上三人於大學錄院依選人考

試其合格者方與差遣後兩任無私罪有本路轉運提點刑獄知州通判同罪保舉即入親民如經三試有三人朝官同罪保舉者亦與小處監當後兩任無私罪本路轉運提點刑獄知州通判有五人同罪保舉方得親民其不赴試又無人舉雖曾三就試而辭業紕繆對義不合游者並未得與差遣如願換班行者與等第安排其武臣使相舊制除子東頭供奉官眷親者左侍禁自今子并眷親並如舊其餘親屬自左班殿直以下安排樞密使副宣徽使見任節度使除子西頭供奉官眷親右侍禁自今子孫并眷親尊屬並如舊其餘所屬自右班殿直以下安排六統軍諸衛上將軍節度觀察留後觀察使內客省使除子右侍禁眷親右班殿直自今子孫及眷親尊屬並如舊其餘親屬自三班奉職已下安排客省使引進使防禦使團練使四方館使樞密都承旨閣門使除子右班殿直眷親三班奉職自今

子孫并昇親尊屬並如故其餘親屬自三班借職以下安排正任刺
史並差使殿侍諸衛大將軍內諸司使樞密院諸房副承旨除子三
班奉職昇親三班借職自今子孫并昇親尊屬並如故其餘親屬除
差使殿侍諸衛大將軍內諸司使樞密院諸房副承旨除子三班奉
職昇親三班借職自今子孫并昇親尊屬並如故其餘親屬與下班
殿侍侍衛諸將軍內諸司副使樞密院逐方副承旨只除三班借職
令更不減若曾犯入已贓後來至諸司副使諸衛將軍只得奏子孫
一人其降監當者即不得陳乞諸路提點刑獄官未該奏薦而合該
奏薦路分者湏郊祀前到任及一周年方得奏陳其川廣福建七路
初授差遣者恩澤聽如舊凡奏陞三班參班日先於軍頭司試弓七
石力或弩兩碩五石力施放有條道者爲合格更不試書算會書算
者於三班院試寫容狀一本錯三寧已上并算錢穀五件通三者爲

合格更不試弓 不合格者且令習學皆能習孫兵六韜三家兵書
內試義五道三通爲中更會弓弩爲優等如願試策亦試五道以三
通爲中或善五般武藝鞍馬精熟更通書算者亦爲優等二項與免
短使邊上權外寨監押或權諸寨巡檢如武藝不羣及答策設備者
爲異等即引見聽旨陣亡之家子孫不試武藝書算如無子孫其弟
姪得錄用者亦不試應降指揮後已及十八歲者亦免之以上文武
官僚合該奏薦者內長子孫不限年雖非長子孫見居長者同其
諸子孫湏年十五以上第姪湏年二十已上仍湏五服內親方得奏
薦如妄冒服紀及虛增年並以上書詐不實論其合奏異姓即不問
服紀應孫子曾受恩澤而物故者若係無子孫食祿並許再奏之